

From: Jóna Ottesen <jona@kattaklambra.is>

Date: miðvikudagur, 27. júní 2018 kl. 11:42

To: Þórdís Lóa Þórhallsdóttir <Thordis.Loa.Thorhallsdottir@reykjavik.is>

Subject: Vegna: Barnahátíðin Kátt á Klambra - Samstarf við Reykjavíkurborg?

Sæl Þórdís,

Jóna heiti ég og er skipuleggjandi barnahátíðarinnar Kátt á Klambra, sem haldin verður í þriðja sinn núna í sumar.

Okkur hefur því miður gengið illa að finna samstarfsflöt við borgina í þessu flotta og metnaðarfulla verkefni sem hefur fengið mikið lof gesta, jafnt börn og foreldrar sem fagna hátíðinni mjög.

Eftir fund okkar með Líf Magneudóttur þar sem við fengum þær ábendingar að við gætum nú sent umsóknum samstarf og styrk frá borginni sem tekin verður fyrir þá fundi ykkar þann 5. júlí.

Það er okkar síðasta von í þessu umsóknarferli, en við höfum sóttu um allt sem hægt er að sækja um en höfum eingungis fengið 187.000 kr styrk frá Hverfissjóði Hlíða.

En meðfygjandi má sjá bréf frá okkur sem skýrir okkar stöðu betur.

--


Kær kveðja

Jóna Elísabet Ottesen

jona@kattaklambra.is

kattaklambra.is

facebook.com/kattaklambra



**BARNAHÁTÍÐ SEM FER FRAM Á KLAMBRATÚNI 29.
JÚLÍ 2018**

Kæra Borgarráð.

Við skipuleggjendur barnahátíðarinnar Kátt á Klambra viljum fá að kynna ykkur fyrir verkefninu okkar sem við höfum unnið að núna í rúmlega fjögur ár. Því miður hefur gengið erfiðlega að finna samstarfsflöt með borginni að þessari metnaðarfullu barnahátíð.

HÁTÍÐIN

Barnahátíðin Kátt á Klambra verður haldin í þriðja sinn núna í sumar og hefur fengið hún mikið lof gesta. Margir krakkar hlakka mikið til að mæta á Klambratún í lok júlí og eiga þar góðar stundir með fjölskyldu og vinum. Svæðið er hannað út frá þörfum barna, svæðið er girt af til þess að auka öryggi barna og gesta hátíðarinnar. Ekkert barn fer af svæðinu án forráðamanns og engir gestir eru á svæðinu sem ekki eiga heima á hátíðinni. Hátíðin er ætluð börnum á aldrinum 0-13 ára þar sem við erum með svæði sem hentar ungabörnum, skiptiaðstöðutjald, bangsatjald, sögutjald, leiksýningar og leiksvæði. Fyrir eldri börn er mikil og flott dagskrá eins og hjólabrettasvæði, þrautabraut, ýmsar smíðjur, tónleikar, leiksýningar og margt fleira. Einnig er vel hugsað vel um foreldra og er matur er seldur á svæðinu, margar smíðjur eru fyrir börn og foreldra og einnig eru nokkrir fyrirlestrar sem snúa að uppeldi barna, kennsla í barnanuð og fleira. Það sýndi sig strax að öll fjölskyldan vill taka þátt og því hugum við að því í okkar dagskrá.

Mikið félagslegt gildi er í slíkum viðburði jafnt fyrir börn og foreldra. Forvarnargildið er mikið þar sem börn fá tækifæri til þess að skemmta sér með fjölskyldunni án þess að áfengi eða vímuefni séu á svæðinu, það eykur tengsl fjölskyldunnar og allra hinna sem hátíðina sækja. Það er jafnframt eitt af markmiðum Reykjavíkurborgar og lýðheilsustefnu hennar sem skipuleggur borgarumhverfi þannig að það stuðli að heilbrigðum lífnaðarháttum eins og hreyfingu, næringum og vellíðan borgarbúar á öllum æviskeiðum fólks.

KÁTT Á KLAMBRA 2016

Fyrsta hátíðin var sumarið 2016 þegar við fórum af stað með þá hugmynd að framkvæma skemmtilegt barnafestival á Klambratúni sem hefur það að markmiði að bjóða börnum og fjölskyldum upp á veglega og skemmtilega dagskrá og ýmsa afþreyingu þar sem börn fá tækifæri til þess að taka þátt og kynnast ýmsum formum og myndum lista, menningar og íþróttar. Verkefnið var hluti af lokaverkefni Jónu Ottesen í hagnýtri menningarmiðlun og við fórum á fund með Höfuðborgarstofu til að kynna verkefnið og sóttum þar eftir samstarfi en án árangurs. Sótt var um styrki og fengum við styrk frá Hverfissjóð Reykjavíkur upp á 300.000 kr sem var mikils virði fyrir hátíðina og hvatinn til að framkvæma.

KÁTT Á KLAMBRA 2017

Við vinnum af hugsjón og metnaði og viljum gera barnamenningu hátt undir höfði. Fyrir hátíðina síðasta sumar fórum við því á fullt í að sækja um styrki, tala við fyrirtæki til að vera með okkur og

bjóða þeim þá að vera með einhverja afþreyingu eða skemmtiatriði á hátíðinni en við vinnum mikið út frá hugmyndum frá barnhátíðinni *Miniøya* í Noregi og viljum vera sem minnst merktar fyrirtækjum og auglýsingum á svæðinu sjálfu sem beinast að börnum.

Vinna að hátíðinni 2017 hófst strax að lokinni hátíð árið 2016 en þar sem engin öruggur styrkur kom að verkefninu þá fórum við þá leið að selja inn á svæðið á algjöru lágmarksverði sem var einn af möguleikum okkar til að kosta hátíðina. Þar sýndi það sig að miðaverð eykur gæði hátíðarinnar, gerir hana veglegri og upplifun gesta ánægjulegri. Þar fá gestir hátíðarband og öll afþreying á svæðinu er ókeypis. Þetta lukkaðist mjög vel og töluðu foreldrar um það hversu vel hátíðin var skipulögð og hvað það var mikið öryggi að hafa afgirt og öruggt svæði án þessa að hafa áhyggjur af því að börnin færu af svæðinu. Við vorum duglegar að auglýsa viðburðinn til þess að sem flestir hefðu kost á njóta þessa dags og gáfum mikið af miðum í gegnum Rauða Krossinn, Fjölskylduhjálpi, Mæðrastyrksnefnd og fleira. Margir leikir voru í boði til að vinna miða og fjölskyldur fengu magnafslátt. Miðaverðið var 1200 kr og 4000 kr fyrir fjögurra manna fjölskyldu. Fyrir þessa hátíð fengum við styrk frá *Hverfissjóð Hlíða* upp á 100.000 kr, *Forvarnarsjóði* upp á 250.000 kr, *Höfuðborgarstofa* 300.000 kr og *Hverfissjóður Reykjavíkur* 500.000 kr. Sem er um ein milljón í heildina. Styrkirnir komu sér vel og fóru í að greiða fyrir tjöld, svið, hljóðmann, listamönnum og margt fleira. Neikvæðar raddir og viðmót fór að berast frá þeim starfsmönnum sem vinna hjá Reykjavíkurborg og koma að styrkjum að lokinni hátíð. Miðasalan var álitin sem gróðrastarf hjá okkur og höfum við átt erfitt með að finna flöt að samstarfi með Reykjavíkurborg fyrir sumarið núna í ár sem er miður þar sem borgin styrkir jú fjölda viðburða sem selt er inná.

KÁTT Á KLAMBRA 2018

Skipulag er á fullu fyrir næstu hátíð og munum við bjóða upp á veglega hátíð á Klambratúni, þar sem eins og áður geta börn sótt smiðjur eins og: danssmiðju, sirkusmiðju, tónlistarsmiðju, lært á hjólabretti, ritlistarsmiðju, föndrað og tekið þátt í leikjum þar sem fjölskyldan tekur öll þátt, sungið í karóki, dansað í dansíóki, lært uppistand af helstu gamanleikurum landsins, farið í fjölskylduþóga, notið dagskrár þar sem ungir listamenn fá tækifæri til að koma fram, til að mynda ungar stelpur í hljómsveitinni *Spaðabandar* sem hafa slegið í gegn sem og *Friðrik Dór*, *Jói P* og *Króli* og fleiri frábærir listamenn sem munu stíga á stókk.

Við búum að þriggja ára reynslu, eigum aðföng sem fylla stóran gám, hóp af fólki sem vill leggja verkefninu lið, erum í samstarfi með Arion banka og erum með þá framtíðarsýn að vera árlegur viðburður á Klambratúni. Í fyrrasumar komu tæplega 3.000 gestir á svæðið sem var framar okkar björtustu vonum. Starfsliðið var því undirmannað og það vantaði fleiri bekkir og sæti svo dæmi sé tekið. Að þessu þarf að huga að í sumar þegar jafnvel enn fleiri leggja leið sína á hátíðina. Við erum nokkrar stelpur sem komum að skipulagningu viðburðarins og það þarf svo sannarlega að huga að mörgu. Við höfum sótt um alla þá styrki sem geta mögulega styrkt barnamenningu og hjá Reykjavíkurborg höfum við til dæmis sótt um styrk úr *Borgarsjóði*, *Forvarnarsjóði*, *Hverfissjóði* og

Miðborgarsjóði. Verkefnið hefur fengið styrk frá *Hverfissjóði Hlíða* upp á 187.000 kr og einnig var okkur að berast svar frá Miðborgarsjóði upp á 1 milljón sem er svo sannarlega mikils virði fyrir okkur. Sá styrkur er þó einungis veittur ef við seljum ekki inn á svæðið, heldur einungis ef svæðið er opið öllum. Styrkurinn er lægri en sú upphæð sem áætluð er af miðasölu og svæðið er þá opið öllum. Kostnaðaráætlun fyrir hátíðina er upp á 8 milljónir og er það því lítill hagur af því að þiggja styrkinn þar sem einnig er tekið fram að styrkurinn sé einungis fyrir þetta ár og ekki sé tryggt að svo verði næsta ár. Við þurfum að hugsa lengra en þetta sumar þar sem við stefnum að því að halda flotta hátíð að ári og því er staða okkar þannig að það er ekki vænlegt fyrir okkur að þiggja styrkinn. Þá er samstaf okkar við borgina einungis bundið við lítinn styrk frá Hverfissjóð og í um 8 milljón króna verkefni þá er sá hlutur ekki hár, (nær upp í kostnað fyrir salerni á svæðið). Við erum því hugsi yfir því hvort við eigum að þiggja styrkinn þar sem hann er einfaldlega ekki nógu hár.

KÁTT Á KLAMBRA Í SAMSTARFI VIÐ REYKJAVÍKURBORG

Okkar draumasýn er jú sú að vera með tryggan styrk frá Reykjavíkurborg og gott samstarf í tengslum við aðgang að vatni og rafmagni og öðrum þáttum sem koma að því að vera umhverfisvæn hátíð. Við höfum ávallt skilað svæðinu vel af okkur en klósett, ruslatunnur og frágangur eru allt kostnaðarsamir þættir sem borgin gæti jafnvel komið að. Við höfum verið í samskiptum við Björgu Jónsdóttir hjá Menningarsviði og ætlar hún að vera okkar tengiliður hvað varðar aðstöðu á svæðinu sem er okkur mikils virði þar sem erfitt reyndist að fá aðgang að vatni og rafmagni í fyrrasumar. Við viljum bjóða upp á veglega hátíð og hafa þar lágt miðaverð til þess að sem flest börn hafi tækifæri að koma og njóta dagsins. Til þess að svo geti verið er nauðsynlegt að verkefnið fái styrk frá Reykjavíkurborg samhliða öðrum styrkjum og annarri sölu okkar á svæðinu. Okkur Langar kanna hvaða möguleika við eigum að samstarfi við borgina í sumar og í framtíðinni til þess að geta haldið áfram okkar starfi við að skipuleggja og framkvæma flotta barnahátíð. Ef um frían viðburð á að vera að ræða þá er 1 milljón króna styrkur sem veittur er núna fyrir 2018 ekki nóg til að þess að láta af miðaverði fyrir hátíðina.

Við hlökkum til að heyra frá ykkur og erum tilbúnar að koma á fund og kynna verkefnið nánar fyrir ykkur ef áhugi er fyrir hendi.

Með kærri kveðju

Jóna Elísabet Ottesen / Stofnandi Kátt á Klambra

Hildur Soffía / Markaðsstjóri